



KEMENTERIAN KOMUNIKASI  
DAN MULTIMEDIA MALAYSIA

## SIARAN MEDIA

---

### PROGRAM #MUZIKDIRUMAH

Selaras dengan Arahan Perintah Kawalan Pergerakan (PKP) yang telah dilaksanakan oleh kerajaan Malaysia bagi membendung penularan virus Covid-19, Kementerian Komunikasi dan Multimedia Malaysia akan melaksanakan inisiatif #MuzikDiRumah bagi menyediakan lebih banyak kandungan digital yang boleh dinikmati oleh rakyat Malaysia di rumah sepanjang tempoh PKP ini.

Hiburan atas talian ini akan menghimpunkan artis-artis ternama seperti Ayda Jebat, Kumpulan Hujan, Meet Uncle Hussain, Hazama, Stacy, Dr. Soo Wincci, Dato' Jamal Abdillah dan pelbagai artis, pemuzik serta personaliti hiburan tanah air yang akan bersiaran secara atas talian di laman web [www.muzik.my](http://www.muzik.my). Usaha ini yang diinspirasikan daripada projek #togetherathome oleh artis-artis antarabangsa, adalah bertujuan untuk menghiburkan peminat-peminat muzik tempatan di samping mengalakkan mereka untuk duduk di rumah.

Objektif konsert dan hiburan atas talian ini adalah:

- i. Menghasilkan program-program hiburan bagi menggalakkan rakyat Malaysia untuk duduk di rumah;
- ii. Memberi impak ekonomi yang sederhana serta menjana pendapatan kepada artis dan krew penerbitan yang terlibat;

- iii. Menanam semangat kekitaan dan perpaduan dalam kalangan rakyat Malaysia di dalam mengharungi COVID19 bersama; dan
- iv. Menyebarluaskan mesej-mesej positif dan maklumat penting melalui platform media sosial.

Seramai lebih 300 artis serta krew produksi dan penerbit akan terlibat di dalam program-program seperti berikut:-

- i. 8 konsert mega berdurasi 45 minit setiap satu oleh artis-artis ternama;
- ii. 38 konsert mini berdurasi 30 minit; dan
- iii. 84 persembahan (1-2 lagu, pesanan khidmat awam, video temubual) oleh artis-artis tempatan.

Program #MuzikDiRumah telah mula disiarkan pada **8 April 2020**.

*Dikeluarkan oleh:*

*Unit Komunikasi Korporat*

*Kementerian Komunikasi dan Multimedia*

*9 April 2020*

---

*Untuk maklumat lanjut, sila hubungi Puan Karen Kesawathany Arukesamy (Ketua Unit Komunikasi Korporat di talian 017-6962693 atau Puan Zalwani Zalkaply di talian 012-7160977.*